



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Qvod Ivdæi Messiam, Qvi uenit, ceu uenturum, temere
expectent**

Samuel <Marochitanus>

Argentorati

VD16 S 1561

Capvt XIX. De electione Apostolorum loco prophetarum.

urn:nbn:de:hbz:466:1-36159

V E R I M E S S I A E

sonus eorum, & in extremis finibus extensa uerba eorū.
Et uerba prophetae expresse demonstrant nobis quod de
istis loquitur & non de nobis, cum dicit, non erit lingua,
neq; sermo qui non audiant uoces eorum, & hoc non po-
test esse de lingua nostra Hebraea, quae enim Gentes obedi-
unt praeceptis Moysi & Aaron, quinimmo, ipsi interfece-
runt gentes & fugauerunt eas à se. Haec autem gentes sci-
unt hodie Moysen & Prophetas, & cognoscunt Deum
& seruant legem nouam sicut Apostoli docuerunt eos.
Attamen dei sumus.

CAPVT XIX.

De electione Apostolorum
loco prophetarum.

Timeo, domine mi, quod illud quod Zacharias pro-
pheta dixit cap. xiiij. Percutiam pastorem et disper-
gentur oues gregis, fuit completum quādo nos per-
cussimus pastorem istorum puerorum & sanctorū Apo-
stolorum, extunc nos oues dispersi sumus per uniuersum
orbem, & isti filij nostri, scilicet Apostoli, surrexerunt lo-
co Prophetarum, quod apparet ex hoc quod Deus post il-
los non misit nobis Prophetam, nec notificauit aliquid per
uisionem. Timeo, domine mi, quod isti pueri sint Apostoli
de quibus dixit Deus per os Iohelis prophetae ca. iij. Senes
uestri somnia somniabunt, & pueri uestri uisiones uide-
bunt. Certissime, domine mi, senes sunt Prophetae nostri,
qui somniauerunt fidem gentium, quā cōsecuti sunt il-
li pueri, scilicet Apostoli, & uiderunt. Et de istis pueris
dixit

P A R A S T A S I S .

dixit Dauid Propheta. Venite filij, audite me, timorem do-
 mini docebo uos, & Deus non nominat filios in plurali,
 sed solum nominat eos Israël primogenitū in usu loquēdi
 cōmuni. Et in alio psalmo nominat istos pueros filios, cum
 dicit. Filij tui sicut plantæ nouellæ. De Israël, domine mi,
 dixit Deus per os Esa. cap. v. Vineæ dei exercituum fuit
 domus Israël, expectaui quod ueniret cum uua, & uenit
 cum spinis, propter hoc ego adducam qui destruet illam
 in cōculcationem, & de illis prædictis filijs dei qui uocan-
 tur Apostoli. Dixit Deus per os Esa. xij. cap. non modo
 erubescet Iacob nec liquefiet facies eius. Sed tunc quando
 uidebit de filijs suis illos quos creauerunt manus meæ san-
 ctificatos ante oculos suos. Et si esent, domine mi, filij isti
 sanctificati corā nobis secundum uiam Legis nostræ, non
 diceretur de nobis quod essemus i erubescētia, propterea
 & dissoluerētur facies nostræ, immo haberemus gloriam
 & resplenderēt facies nostræ sed confusio facierū Iacob
 & desolatio est ista, quod isti filij quos Deus creauit manu
 sua. s. Apostoli sunt sanctificati corā nobis, & non secun-
 dum legem nostram. Propterea Deus dat intelligere quod
 Lex nostra non est lex ipsorum. Dixit etiam deus per os
 Hierē. cap. xxv. In illa die non dicent, Patres nostri come-
 derunt uuam acerbam, & dentes filiorum obstupescunt,
 sicut infidelitas Iudeorū non nocuit fidei Apostolorū nec
 nocebit, & propter hoc scribitur. Viuo ego, dicit domi-
 nus, si erit ultra prouerbiū istud in Israël, quia nunquā ali-
 quis de Apostolis postquā receperūt fidē redijt ad fidem
 C 3 nostram,

V E R I M E S S I A E

nostrā, quare nō sentiunt acerbitatē infidelitatis nostrā,
 sicut dētes nostri obstupescūt de peccato patrū nostrorū.
 Adhuc de istis filijs, domine mi, qui sunt Apostoli dixit
 Deus per os Esa. propheta. A quo trnasmigrabo nisi à
 populo meo. Filij autē qui erunt infideles, Deus erit saua
 tor eorū in omnibus angustijs corū, & uultus eius custo
 diet eos in charitate eius, & in clementia redemit eos, &
 propitius erit eis in longitudine dierum. Verissimū est, do
 mine mi, quod isti filij de quibus loquimur semper manse
 runt firmi, nec Deus transmigravit ab eis ab illo tempo
 re quo redemit rex ille iustus, magister eorū, sed transmi
 grauit à nobis & fuit semper cum eis, & de istis etiā filijs
 qui sunt Apostoli, dixit sapiens Iesus filius Sirach in li
 bro suo capit. iij. Audite filij carissimi & operamini in sa
 lutem, quia honorat Deus patrem in filijs, et qualiter in
 telligi debeat honor ille declarat Deus per os Malachie
 cap. iij. Mittet Deus Heliam qui conuertat corda patrum
 nostrorum ad filios. O domine, si Deus debuisset conuerte
 re corda filiorū. s. Apostolorū ad patres, cū hoc debeat in
 telligi de fide, tunc isti filij. s. Apostoli fuissent nobiscū in
 captiuitate ista quæ non habet finē, sicut & patres nostri
 & nos sumus. Sed ex quo Deus ordinauit quod debeant
 corda patrū ad filios cōuerti, quid est q̄ expectamus, do
 mine mi, & quid præstolamur. Et si uoluerimus dicere q̄
 alij filij debēt esse præter Apostolos, de quibus intelligen
 tur prædicta, illi erūt in captiuitate sicut & nos, ex quo
 uia illius iusti nō sunt secuti, quem Apostoli firmiter secu
 ti sunt

P A R A S T A S I S .

ti sunt & docuerunt sequenda, & propter hoc habet hono-
 rem patrum, in hoc quod patres dicuntur ad illos conuerti.
 Cum ergo, domine mi, filij nostri uenerunt antequam nos
 ad fidem dei, si corda nostra conuertatur ad filios, corda
 eorum conuerterentur ad nos. Et sicut dicit Deus altissimus.
 Erunt populus unus, animus unus, in deo glorioso, et uicto-
 rioso, quia non debemus intelligere illam conuersionem nisi
 de infidelitate ad fidem & doctrinam illius iusti, qui est ma-
 gister salutis eorum qui credunt in eo, & secundum quod dixit
 Dauid de eo. Ipse est cuius sacerdotium erit secundum ordinem
 Melchisedech in aeternum, quo obtulit sacrificium panis &
 uini, & fuit Melchisedech sacerdos dei altissimi ante
 Aaron. Et attende, domine mi, quanta sit differentia inter
 sacrificium Aaron, et iusti istius domini. Dixit dominus do-
 mino meo, tu es sacerdos in aeternum, non ad tempus sicut Aarō
 qui mortuus fuit cxx. annorum. Item sacrificium Aaron fue-
 runt carnes, & sacrificium illius iusti domini fuit panis &
 uinum secundum ordinem Melchisedech. In quibus uerbis domi-
 nus per Prophetam ostendit manifeste, quoniam sacrificium
 Aarō finiretur quando incipet illud sacrificium in aeternum, et
 ordiatio sacrificandi, sed Aarō finiretur quando incipet sacri-
 ficiū in pane & uino eternaliter duraturum. Sed de hoc, do-
 mine mi, ad huc habeo loqui, specialiter dicam aliqua pau-
 ca de istis filiis dei quae mihi occurrunt, de quibus dixit
 Deus per os Iesu prophetae filij Bethoni capite primo.
 Erit locus in quo dicitur. Vos estis filij dei uiui, &
 iste locus, domine mi, absque dubio est ecclesia, quia

V E R I M E S S I A E

Propheta denominat locum, sed quod dicit erit locus, quia synagoga, quae est locus primus, iam erat, & synagogam uocat Deus per os Moysi & Aaron & omnium Prophetarum primogenitum meum, sed in plurali & quasi quemlibet in speciali, istos seruos genitos uocat propheta filios dei. De illis filijs dicit etiam Deus per os prophetae Moysi. Deute. xxxij. Sanguinem filiorum ulciscetur & lauabit terram populi sui, & nos domine occidimus prophetas et non fecit uindictam de eis nisi per lxx. annos, sed occidimus Apostolos & iustum magistrum eorum, & fecit Deus uindictam de filijs. Iam sunt mille anni & ultra, Et per mortem ipsorum lauit Deus terram populi sui, & non dixit terram filiorum Israel. De ipsis etiam filijs dixit Dauid in psalmo. cxxxv. Sicut sagittae in manu potentis, ita filij fideles. Comparat enim propheta istos filios fideles sagittis emissis de manu potentis, quia Deus omnipotens misit eos ad. xij. partes mundi per quattuor mundi climata fideles hos filios cum doctrina Legis, Psalterij & Prophetarum. Moysen autem & Aaron non misit extra domum sanctam ad docendum, quia non ad Indiam, Romam, nec ad alia loca extra terram sanctam misit eos annunciare doctrinam Legis & Prophetarum, sed isti fideles filij sic proiecti uel missi per uniuersum mundum, surrexerunt coram deo loco nostri, postquam Deus occidit Israel & nomen nostrum, quod bene innuit Dauid in psalmo cum dicit, pro patribus tuis nati sunt tibi filij, constitues eos filios reges & principes, & per istos innouata est Lex prima secundum ordinem

P A R A S T A S I S :

dum ordinem Melchisedech, qui sacrificium dei instituit in pane & uino, ex quibus communicauit Abraham amico dei, prout extat in lege certum, apud quem Deus per ministerium istorum mutauit sacrificium nostrum, sicut mutauit nomen nostrum, et sicut mutauit legem carnalem nostram in legem spiritualem. Et si Deus dixisset nostro Moyse sicut dixit per os Dauid Messia siue Christo. Tu uenies sacerdos in aeternum secundum legem Moyse et Aaron staret illa Lex, sed dixit. Tu es sacerdos in aeternum secundum ordinem Melchisedech. Et amicus dei comunicauit de sacrificio panis & uini, & non de sacrificio carniuum. Ad hoc bene sonat uerbum Moyse, cum dixit. Comedetis uetustissima ueterum, per quod intelligit sacrificium Melchisedech. Et iterum, et nouis superuenientibus. i. nouae legis sacrificio publicato, uetera. s. uestra sacrificia proijcietis. Nos tamen dei sumus in omni euentu.

C A P V T XX.

De reprobatione sacrificij Iudaeorum & electione sacramenti Christianorum.

TImeo, domine mi, quod Deus eiecit nos à se & sacrificium nostrum, & acceptauit sacrificium gentium, sicut dixit per os Malach. cap. primo. Non est mihi uoluntas in uobis, dicit dominus, neque accipiam sacrificium uestrum, quoniam ab ortu solis usque ad occasum eius magnum est nomen meum in gentibus, quae offerunt in nomine meo sacrificium mundum, ergo apud Deum sacrificium gentium est mundius quam sacrificium nostrum. Et in super

C s quia